

دفتر مخصوصه

درسعادتده باب عالی جوارنده

محل اداره :

مشرق افکار

۱۳۲۶

اخطار :

مسئله مزه موافق آثار جدیده مع المنوبه
قبول اورانور

درج ایضه بن آثار اعاده او تاز

دیر، فلسفه، علوم، حقوق، ادبیات و سیاسیات و بالخاصه کرب سیاسی و کرب اجتماعی و مدنی احوال و مشوره اسلامیه و بحث ایمر و هفته ده بر نشر انور.

آبونه بدلی

سنه لکی

القی آیلنی

ممالک عثمانیه ایچون	۸۰	۴۰	غروش
روسیه	»	۳۰۵	روبله
سائر ممالک اجنبیه	۱۷	۹	فرانق

صاحب و مؤسسلری :

ابوالعلا زین العابدین - ح . اشرف ادیب

تاریخ تأسیسی

۱۰ تموز ۳۲۴

درسعادتده نسخه سی ۵۰ پاره در

قیرله دن مقوا بورو ایله کوندریلیرسه سنوی
۲۰ غروش فضله آلنیر

عدد : ۷۸

۲۱ صفر اخیر ۳۲۸ پنجشنبه ۱۸ شباط ۳۲۵

اوجنچی جلد

بو سنه هجازه رحمت چوق . هر طرفه شدتلی یا غمور لر اولوب
امن و راحت ، برکت امید ایدلکده در . بعض افراط جیبارک
غزته ستونلرنده والی وکیلی محمد امین بك ، و شریف حسین حقنده
روا کوردکاری بر طاقم تفوّهاته رغماً عمومیتله حجاز احوالنده آثار
صلاح کورلکده در : راتب شریف عون زماننده اوتوز بش مجیدیه لره
قدر چیقسان دوه اجرتلری شمدی بردن بره ۱۸ مجیدیه تزیل
اولمشدر ؛ صولرک کثرتی ، سوقاقلرک نظافتی بشقه سنه لره قیاس
اولمیه جق بر حالده در ؛ مکه مکرمه ده منتظم صورتده مکاتب صبیان
آچلمش و حالاً آچلمقده در . عن قریب بدوی چوققلرینه مخصوص
مکتبلر آچیله جنی تحت قراره آلمش ، واسبابنه تشبث اولمشدر .
و بشقه جهتلردن دخی اصلاحاته باشلانمقده اولدینی کورولور .
مدینه منوره دن کلکده اولان حاجی قافله سننده کی وقوعاتده مکه
شریفنک هیچ دخلی اولوب ، آنجق دلیللردن کاش بر قصور ،
یا خود تربیه سزلک اولدینی محققدر .

« قران : بیان الحق » عبدالرشید ابراهیم

آرناوردلقدہ صرف مسئلہ سی

و

حروف عربیہ یک حکومتجہ قبولی

رسمی قوصوه غزته سنندن عیناً آلمشدر :

کچنده یازدیغیز بر مقاله ده حکومت مستبدہ زائله طرفندن جسارت
معنویہ لری اولدیلویرب مدنیتهک اوج بالای ترقیہ صعود ایندیکی شو زمان
ترقی نشانده کندیلری بروحشت مطلقه ایچنده یاشادیلرلق ایستیلن وفی الحقیقه
فکراً ومعناً تنور ایدنلری بیکده بر درجه سننده بیله بولنلیان آرناوود قوم
نجیبی انقلاب مسعودی متعاقب شہراہ مدینتده نہ درجه کری قالمش اولدقلرینی
کوردلرک اکتساب معارفه فوق العاده اظهار خواہش ایتش اولدقلری اوزون
اوزادی یه یازلمشدی .

آنجق ایشک نرہ دن باشلانلیسی ایجاب ایدہ جکی جای تأمل اولدیغندن
اولا آرناوود لساننک جمع وتدوینی ایچون اجرای تشبثاته لزوم کورلمش و
آرناوود مبعوثانی ایله افکار منوره اصحابی ایکی یه آیریلہ رق بر قسمی قرق الای
سنه اول شمس الدین سامی بك مرحوم کی بعض دهاته طرفندن لاتین حروفندن
بالاستعانه آرناوود لسانی ایچون اختراع ایدیلن لاتینجه یعنی اقوام غریبه لسانیلری
کی صولدن صاغه طوغری یازیلان حروفی سهولت تعلیمندن ناشی ترجیح
وقبول ایتدکلی حالده دیگر قسمی عموم اقوام اسلامیہ نک ، کندیلری نہ
لسان ایله متکلم اولورسه اولسونلر امر تعلیم وتعلیمی حروف عربیہ ایله اجرا
ایتدقلرینی ودیکر طرفجه ادعا ایدلدیکی وجهله بویوزدن بدایه براز صعوبت
کورولسه بیله جامعہ اسلامیت حیثیتله حروف عربیہ نک آرناوود لساننک
تدوین وتعلیمی ایچون قبولی ضروری اولدینی نظریہ سنی پیشکاه انظار بصیرتہ
قویعش و طرفینجه بوبابده ایراد ایدیلان ادله وشواہد افکار اهالی آردسنده
بک شدید جریانلر حصوله کتیرمشدی .

حال بوکه مناقشات ایله بہرہ برہ اضاعہ اوقات ایدلکده اولدینی
وسائر وطداشلرمن شہراہ ترقیدہ بلا تأخر قطع مراحل ایتدکاری انظار
دقیقه بینانی جلب ایتدیکندن بوبابده کی اختلافانک سریعاً ازالہ سیلہ مکاتب
پروگراملرینک کندی قبول ایتش اولدقلری حروف ایله ترتیبی ایچون هر
ایکی طرف مقام جلیل صدارتہ مراجعت ایتدکاری کی ہر ایکی نوع حروفله
وعلمینده ہر طرفده متینلر عقد اولمغه وتلغرافلره مقاماتہ اشعاراتہ باشلانلش
ایدی .

فی الحقیقه بوکشمکشلر ارہ سننده قیمتدار وقتلرک ضیاعی موجب تأسف
اولدیغندن معارف نظارتی ۲۳ کانون ثانی ۳۲۵ تاریخی بر تلغرافنامہ سیلہ
آرناوود لساننده هر ایکی حروف ایله اثرلر تألیف ونشر ایدلمش اولوب
حروف الفبائیہ لساننک برجستی بولدیغنه وبر لساننک تحریر کلماتی ایچون
قبول ایدلمش اولان حروفک استعمالی مجاز بولدیغنه بناءً اصحاب لسان
تخیر ایدلمش ایسده ایش ینہ سکونتیاہ اولامشدر .

چونکہ طرفین کندی فکری قبول ایتدیرمک ایچون ادعالرنده ومتینلر
عقدنده مصر بولنیوردی . شمدی ایشی فصل ایدہ جک جهت ، اکثریتک
آرزو ایلہ جکی حروف اوزرنده تمرکز ایدہ جک ایدی کہ ایستہ بو نتیجہ ده
اخیراً حاصل اولدی . حکومتجہ ده آرناوود لساننک حروف عربیہ ایله
تعلیم ایدلمسی قبول ایدلدی . معارف نظارتی شو تلغرافنامہ سیلہ کیفیت
آرناوودلق والیرلرینہ اشعار ایتش ، ولایتز ایجاب ایدن محملره تبلیغات
لازمہ اجرا ایلشددر . تلغرافنامہ صورتی شودر :

قوصوه ولایتہ

نومرو ۶۱۰۶۸

۲۳ کانون ثانی سنہ ۳۲۵ تاریخی تلغرافنامہ ده مکتبلر ده آرناوودجہ
تعلیمی ایچون استعمال ایدیلہ جک حروفک انتخابی حکومت اصحاب لساننک
اختیارینہ ترک وبو خصوصده بی طرف بولمشدی . او وقتدن بری ولایتکزدن
واقع اولان اشعارات متوالیہ دن حروف عربیہ نک ہان عمومیتله قبول اولدینی
واہالی ہان کاملاً لاتین حروفی استعمالی علمینده بولدینی اکتلاشلش اولمغه
داخل ولایتده آرناوودجہ تدیس اولنان مکتبلر ده بولساننک محصرأ حروف
عربیہ ایله تعلیم اولنسی اقتضا ایدہ جکی بیان اولنور .

معارف ناظری امراہ

۶ شباط سنہ ۳۲۵

استخباراتمزه نظراً حکومتک اشبو مسئلہ بی بویولده قبولی اوزرینہ
آرناوود لساننک حروف عربیہ ایله تدوینی حقنده تنظیم ایدلمش اولان مختلف
الفا کتابلری بالتدقیق ارباب فضل وکالدن ولسان مذکورک غوامضنه واقف
ذواتدن مناسرت مفتیمی قالقاندللی رجب جودی افندینک تألیف ایتش اولدینی
الفا مقصدہ موافق کورلمش وتدریسانک اونکله اجراسی قرارلشدیرلمشدر .
مدید برطاقم مناقشات ایله اضاعہ ایدیلن قیمتلی وقتلره جدأ آجیرز .
هر ساعت ودقیقه من اوقدر قیمتداردرکہ تعریف قبول ایتز . ترقینک استرقاب
اولدینی وهرملتک دیو آدیملرلہ ایلرلہ یکی برزمانده بولنیورز . بویله برعهد
مشروطیت وعدالتده آرناوود قارداشلرمنک سلم ترقینک قدمہ اولیندہ بولنشلرینہ
جان وکوکلدن تأسف اولنور ایدی . فقط کندیلری حائر اولدقلری ذکاوت
مفرطہ سایہ سننده ضایع ایتدکاری زمانی اتشاءہ آز وقت ایچنده تضمین
ایدہ جکلرینہ امیدمن برکالدن .

روسیہ اسلاملری

سن پترسبورغدن عثمانیشرلویدہ یازلدیغنه نظراً ایکی سنہ دنبری
روسیہ نک داخلی پولتیقه سننده مشہود اولان عکس العمل ، اوتوز
میلیونی متجاوز اسلاملر اوزرنده بر تأثیر حصوله کتیرمکدن خالی
قالمامشدر . اسلاملر ، حال وموقعلرینک کوندن کونہ کسب مشکلات
ایتدیکنی کورنجه بالطبع عدم خشنودی اظهار ایدیورلر .

مسلمانلری اک زیادہ دلگیر ایدن ، ابتدائی مکاتبک احوال
حاضرہ سیدر . اسلاملر ہر زمان قانونہ اطاعت ایدرک حرکات اختلالکارانہ یه
هیچ برزمان اشتراک ایلدکلی جهتله بش سنہ اول برچوق مکتبلر
کشاد ایتلرینہ مأذونیت ویرلدی . بوکون اختلالجیلر مغلوب اولدقلری
جهتله حکومتک اسلاملرک ایتدیکی خدماتہ احتیاجی قالمدی . بک واهی
بہانہ لره اسلام مکاتبی سد ایدیلیور . مکتبلری قیامق ایچون اک زیادہ